

童蒙入塾規矩吟

(選自新編醒世千家詩 附錄)

- ❖ 年少書生進學堂。衣冠整潔貌端莊。
讀書字字須清楚。不許癡頑學逞強。
- ❖ 坐須端正戒偏斜。布素衣衫不用華。
人品好時人敬重。一生正路走無差。
- ❖ 蒙童心地要先培。如養芝蘭詎忍摧。
第一老成無說誑。輕浮畢竟不成材。
- ❖ 生書百遍不嫌多。讀熟無教一字訛。
同學相親休鬥口。為人從小要謙和。
- ❖ 出門行走要安詳。尊長稱呼不可忘。
早晚案前須作揖。歸家還要禮爺娘。
- ❖ 坐定身來便讀書。一心專志勿支吾。
早求明白為人法。一日從師也不虛。
- ❖ 為人貪嘴不成文。飲食何妨讓幾分。
倘使幼年多吃慣。一生難做起家人。
- ❖ 小心謹慎學為人。行動言談正道遵。
跳舞罵人都不得。莫傷心術誤終身。
- ❖ 賭色輸贏莫認真。一迷便已不成人。
陷入坑裡身難保。先要童年立誓深。
- ❖ 子弟溫純立品端。先生父母也心歡。
急須掙口英雄氣。做個賢人萬眾看。